



JNUNPAZ-T-L

JURNAL UNPAZ TIMOR-LESTE

UNPAZ

Vol. 02, Issue, 12, pp.01-05, Outubro, 2023



ARTIKLU PESKIZA

ESU

KOMPETENSIA TRIBUNAL REKURSU FOTI SENTENSA BA IMPASSE POLITIKA TINAN 2020.

Autor: ¹Hugo Freitas dos Reis Ribeiro, Co Autor: ²Tonze Yosep B.A. da Costa ,
³Honorio da C.F.Hornai

¹Lisensiadu Direitu, Universidade da Paz, Timor-Leste

²Dosente Faculdade Direitu, Universidade da Paz, Timor-Leste

³Dosente Faculdade Direitu, Universidade da Paz, Timor-Leste

INFORMASAUN ARTIKLU	ABSTRATU
<p>stória Artiklu: Data Submisaun 05 de Outubro de, 2023 Aseitasaun 05 de Outubro de, 2023</p> <p>Liafuan Xave: Sentensa Impase Polítika Tinan 2020</p>	<p>Kompetensia Tribunal Rekursu foti sentensa ba impasse politika tinan 2020.</p> <p>Objetivu husi Peskiza ne'e mak Oinsa hare konaba Kompetensia tribunal rekursu foti sentensa ba impasse politika tinan 2020, liu husi konfirmasaun ba petisaun inisial husi parte sira nian konaba artikulasau ka artigu husi petisaun inisial nian, klausula, faktus, direitu no pedidu.</p> <p>Teoria ne'ebé Peskizadór uza hodi deskobre problema ne'e mak teoria orgaun do estado, Teoria Soberania, Teoria Kompetensia, Konseitu sira konaba Tipolojia Orgaun Parlamentu, Sistema Orgaun Parlamentu Nasionál no Politika Parlamentu Nasionál. Metodu Peskiza ne'ebé hakerek nain uza mak metodu peskiza normativu iha ne'ebé peskizadór halo abordazen jurídiku ne'ebé relevansia ho topiku.</p> <p>Husi rezultadu Peskiza ne'ebé hakerek nain hetan mak kompetensia Presidente Tribunal Rekursu Foti Sentensa Ba Impasse Polítika Tinan 2020 no problema ne'ebé tribunal rekursu iha maka: Tribunal Rekursu la toma desizaun ba aktu polítiku no indeferimentu ba petisaun inisial husi autor sira.</p> <p>Liafuan Xave: Sentensa Impasse Polítika Tinan 2020.</p>
<p>Korespondenti Autor: <i>Hugo Freitas dos Reis Ribeiro</i></p>	

INTRODUSAUN

Timor-Leste hanesan Estadu Direitu Demokrátiku ne'ebé fo nia espasu ba sidadaun sira nia liberdade espresaun no demokrasia atu espresa saida maka sira sente no fo opiniaun públika ba sistema justisa no lala'ok justisa iha rai laran, maibe ho nia limitasaun ne'ebe previstu iha lei sira. Iha Estadu Direitu Demokratiku ida ne'e tuir observasaun geral, katak sidadaun maioria la iha koiñesimentu didiak konaba ba sistema política no lala'ok justisa iha RDTL, tamba halo kítika no fo komentáriu konaba lala'ok polítiku no justisa nian la tuir objetivu no funsaun política no justisa nian. Tamba iha país demokrátiku ida ne'e iha oragaun ha'at ne'ebé previstu iha artigu 67º husi Konstituisaun Repúblika Demokrátika Timor-Leste nian ne'ebe ho nia funsaun no kompetensia rasik, dala barak halo sidadaun balun la hatene oinsá atu destingi orgaun sira ne'e nia funsaun ho base husi konstituisaun Repúblika Demokrátika Timor-Leste.

Husi artigu 118º nº 1 no 2 iha KRDTL ne'ebé koalia konaba kanaar judisionál nian no servisu hamutuk ho autoridade sira seluk, ne'ebé defini mos iha Kódigu Prosesu Penal Timor-Leste nian iha artigu 7º katak tribunal sira-ne'ebé lei kona-bá organizaun judisiária estabelese maka iha kompetensia atu administra justisa penal, no artigu 8º hateten katak autoridade hotu-hotu iha obrigasaun atu kolabora ho tribunál, atu administra justisa penal, kuandu tribunal husu.

Husi ne'e tribunal sira hanesan orgaun independente ne'ebe hala'o sira nia funsaun ho profesionalidade no parsialidade wainhira foti desizaun ruma hasoru ema ida ka instituisaun ruma husi estadu nian ne'ebe viola regras sira ka kontra lei sira ne'ebe vigora hela iha nasaun nia laran, la'os de'it ne'e maibe tribunal mos foti desizaun konaba orgaun soberanian sira seluk wainhira iha konfliktu interese ruma ka orgaun balun nia desizaun ruma ne'ebe kontradiz husi lei.

Tribunal sira foti desizaun judicial de'it, sei la foti ka halo impedimentu ba desizaun administrativo ka polítiku, exeptu kontra lei. Tamba desizaun administrativu deside husi

Estadu no desizaun polítiku ne'ebe la viola lei sei foti husi polítiku sira no Tribunal maka orgaun soberanu ho kompetensia atu halo justisa hodi povu nia naran no tribunal iha direitu atu servisu hamutuk ho autoridade sira seluk no tribunal sira nia desizaun fo tenke halo tuir duni no desizaun ne'ebé aas liu autoridade sira seluk, tuir artº 118º KRDTL.

Iha sistema polítiku Timor-Leste nian iha tinan 2019 Timor-Leste enfrenta ona impasse política ne'ebe membro VIII Governu nain-sia la hetan posse husi Presidente Repúblika ne'ebé hato'o husi Primeiro Ministru, nune'e Parlamentu Nascional mos kansela Presidente Repúblika nia viagem ba rai liur.

Tuir lei inan nia hateten katak; Presidente Repúblika maka hili (nomear), hodi haraik kbi'it no knaar (empossar) to'o hatun (exonera) ba membro Governu sira.

Nune'e VIII Governu nafatin la'o hodi to'o mai iha tinan 2020, hodi hamosu impasse política nascional no krise ekonomika. Maibe povo timor hatudu dala ida tan ba mundo ninia kapasidade resistir ba krise no adversidade hodi hasoru desafius no obstákulu ne'ebe ke iha mudansa.

Ida ne'e maka akontese, kuandu iha VIII Governu ne'ebe presidente parlamentu la invoka plenária ba dala tolu tutir malu hodi sumba proposta lei orsamentu jeral estadu tinan 2020 nian, nune'e mos kargu presidente parlamentu nian ne'ebe deklarasaun husi bankada meza sira iha Parlamentu Nascional katak ilegal no desizaun sira ne'ebe presidente parlamentu foti ne inconstitucionalidade até ke membru meza no bankada parlamentar sira sobu malu hodi estraga patrimoniun estadu nian hanesan meza iha Uma Fukun Parlamentu Nascional.

Impasse política ka problema política mosu iha estadu ida signifika katak política la'o la normal ka mesmu ke iha konstituisaun rasik hateten katak, bainhira individu ruma nia direitu hetan violasaun, bele instaura asaun iha tribunál tuir konstituisaun RDTL, artº 26º nú 1), katak ema hotu-hotu iha direitu atu ba tribunál hodi defende sira-nia direitu no interese sira-ne'ebé lei fó aprotesaun ba.

Nudar ezemplu maka bainhira ema ida hala'o nia direitu eksedentemente ne'ebe lori

prejuízo ba ema seluk, sociedade no nasaun. Husi parte seluk, eziste ignoránsia ida devér ida nia efetividade inkonsentemente ka lae, hodi hala'ó devér ida hasoru ema ho atitude hanesan ne'e bainhira iha parte seluk ne'ebe lakohi lakon bele sai nudar hun ba letíjiu. Bainhira parte ne'ebe prejudika hakarak retorma ninia direitu, nia tenke hakaas aan atu la'ó tuir dalan legál ne'ebé iha , labele rezolve ho hahalok ne'ebe lei la fo dalan.

Tribunal Rekursu hanesan tribunal segunda instância ne'ebe sei homologa ka decide ba desizaun rekursu sira husi tribunal primeiro instância nian ka prosesu judisial, administrativu no polítika.

Ho rajaun hirak ne'ebe hakerek nain elabora ona iha leten ho ida ne'e mak hakerek nain hodi foti topik **Análiza Jurídika Kona-ba Kompetensia Presidente Tribunal Rekursu Kona-ba Desizaun Impasse Polítika Tinan 2020.**

2. METODU PESKIZA

2.1 Tipu Peskiza

Tipu peskiza ne'ebé maka hakerek nain hakarak uza iha peskiza ida ne'e maka tipu peskiza jurídiku normativu.

2.2. Abordagem Jurídiku

Abordagem ba iha problema ne'ebé maka hakerek nain hakarak uza maka abordagem jurídika normativu. Tuir *Soerjono Soekanto*, abordagem jurídika normativu ne'e hanesan peskiza jurídiku ida ne'ebé uza liu husi halo ezaminasaun ba iha literatura sira ka ba iha dados sekundáriu sira hanesan matéria básika ne'ebé maka persiza investiga liu husi halo peskiza regulamentu no literatura hirak ne'ebé maka relasiona ho problema peskiza idan.¹

1. Abordazen analizaun

Analiza hosi material direitu atu hatene signifikadu hosi fraze ne'ebe utiliza iha regras nudar konsepsionais no nune'e mos atu hatene kona ba implementasaun iha ambitu pratika no dezisaun tuir lei, iha

biban ida ne'e liu hosi dalan rua hodi halo investigasaun;

- a. Peskizadoria ho esforsu tomak hetan signifikadu foun ne'ebe maka involve iha regras/lei ne'e rasik;
- b. Koko (menguji) leis ninia forma sira iha pratika liu hosi analizaun ba iha desizaun tribunal ninian.

Bazeia ba fundamentais ba analizaun lei nia maka, analizaun ba iha definisaun lei, prinsipiun legálideade, regras normais, sistema lei no Konseptu juridiku sira seluk tan.

2.3 Fontes Materia Direitu

1) Materia Direitu Primaria

- a. Konstitusaun RDTL tinan 2002
- b. Kódigu Prosesu Penal

2) Materia Direitu Sekundaria

- a. Peskiza nain hare livru, revista lei no dokumentus hanesan referensia ligadu ho titlu peskiza

3) Materia Direitu Tersier

Data ida ne'e mos hetan husi Tribunal de Recurso Timor-Leste, nu'udar materia ne'ebé persiza ka nesesária faze peskiza ida ne'e hafoin data ka dados ne'e kolekta ho kontinua halo inventáriu dados, prosesamentu dados sira ne'e no halo análise dados hirak ne'e.

2.4 Teknika Halibur Materia Direitu

Matéria direitu ne'e hodi halo analiza atu nune'e bele hetan ninia konkluzan, formula iha tékniku ba iha análise materia direitu ne'e maka hanesan analiza ba iha ninia konteudu (*cinten analysis*). Hanesan esplika liu tiha ona ba ne'e, tuir peskiza normatiza la persija dados husi terrenu hodi halo analiza dados refe. Analiza ba iha materia direitu dokumentasaun ida ne'e ka analiza ba iha arkivu bolu ho naran "textu". Analiza ba iha konteudu hatudu ba iha metodu analiza tuir intergrativa no konseptual hodi hetan, identifikaun, prosesu no analiza

¹ Soerjono Soekanto & Sri Mamudji, Penelitian Hukum Normatif (Suatu Tinjauan Singkat), Rajawali Pers, Jakarta, 2001, hlm. 13-14

matéria jurídica atu bele hetan ninia signifíkadu hirak ne'ebé relevánsia.²

3. REZULTADU PESKIZA

3.1 Kompetensia Tribunal Rekursu

3.1.1 Kompetensia Tribunal Rekursu Foti Sentensa Impasse Polítika.

Konseitu kompeténsia bele entende hanesan konjuntu koñesimentu, abilidade no atitude sira (CHA) ne'ebé presiza hodi hala'o knaar sira hosi ema sira ne'ebé kaer, hodi bele hetan objetivu sira hosi instituisaun ne'e.

Atu administra Tribunál Distritál sira, kona-ba matéria konstitusionál Supremu Tribunál ka Tribunál Rekursu nian iha kompeténsia sira tuirmai ne'e: Reezame no deklarara inkonstitucionalidade no ilegalidade hosi asaun normativu no lejislativu sira hosi parte órgaun sira Estadu nian; providénsia verifikasaun ida haree ba legalidade no konstitucionalidade hosi estatutu no referendu sira; haree kazu ne'ebé latuir Lei-Inan tan omisaun; decide, hanesan foro rekursu ida, kona-ba sonogasaun norma sira ne'ebé konsidera la tuir konstituisaun hosi Tribunal Distrital sira (artigu 126 hosi Konstituisaun RDTL nian).³

Kompetensia Tribunal Rekursu foti sentensa ba impasse politika maka wainhira mosu konfliktu interese balun entre parte sira husi membru parlamentu no ida ne'ebé sente ofendidu ba iha aktu ida ne'e maka obrigatóriamente sei konstitui nia advogadu tuir artigu 36º nº 1 husi Kódigu Prosesu Sívil ne'ebé hateten; iha prosesu sivil parte sira tenke konstitui advogadu iha kauza iha ne'ebé bele iha rekursu, iha rekursu rasik no iha kauza ne'ebé hatama iha Supremu Tribunál ba Justisa hodi defende direitu sira no sei halo formulasaun iha petisaun inisial hodi lori ba apresenta iha Tribunal Rekursu.

Wainhira Tribunal Rekursu simu tiha petisaun inisial ne'e tuir artigu 186º

Kuandu no oinsá halo distribuisaun iha Supremu Tribunál ba Justisa;

1. Iha Supremu Tribunál ba Justisa papél sei distribui iha sesaun primeira ne'ebé tuir fali resebimentu ka apresentasaun.

2. Distribuisaun sei halo ho Prezidente ka juíz iha turnu no administradór judisiál nia intervensaun, iha juíz no funsióariu iha

sekretaria sira nia prezensa, conforme Prezidente haruka.

3. Prezidente hatudu, tuir turnu, iha fulan ida-idak, juíz ne'ebé tenke tama iha distribuisaun. Administradór judisiál klasifika no enumera papél ne'ebé atu distribui; juíz iha turnu sei rezolve kedas, verbalmente, dúvida kona-ba papél ruma nia distribuisaun.

4. Kuandu iha erru iha prosesu ruma nia distribuisaun tenke distribui fila-fali prosesu ne'e, maibé sei aproveita nafatin vistu ne'ebé halo tiha ona. Kuandu iha erru kona-ba prosesu ida nia klasifikasaun, prosesu ne'e sei karrega nafatin ba relatór ne'ebé simu tiha ona prosesu ne'e, iha espésie devida, no deskarga tiha hosi espésie ne'ebé prosesu ne'e tama sala.

Depois de simu tiha prosesu juiz relator sei halo exame preliminar tuir artigu 449º nº 1 e 2, Simu tiha prosesu iha distribuisaun, relatór sei haree rekursu nia espésie loos ka lae, efeito ne'ebé fiksa tiha ona ba rekursu ne'e tenke continua nafatin ka lae, sirkunstánsia ruma taka-dalan atu koñese rekursu nia objetu karik, tenke konvida parte sira mai hadia konkluziun iha alegasaun ne'ebé sira apresenta karik no Relatór bele mos julga sumariamente rekursu nia objetu, tuir artigu 452º nia previzaun.

3.2. Kompetensia Juíz Relator Rona Interveniente Sira.

² Syamsuddin Pasamai, Metodologi, Penelitian dan Penulisan Karya Ilmiah Hukum, (Makasar; PT Umitoha Ukhuwa Grafika, 2007), hlm.68

³ <https://www.tribunais.tl/visao-e-missao/>

Despaxu sira ne'e maka hanesan; Despaxu deferimentu, indeferimentu, aperfesionamentu no sitasaun. Deferimentu katak tribunal simu petisaun ne'ebé apresenta husi parte autor hodi nune'e tribunal liu husi nia juíz relator hodi haruka ka manda sita parte kontrariu hodi hato'o nia opozisaun iha prazu nia laran tuir artigu 359° husi C.P.C. Wainhira hetan indeferimentu signifika katak petisaun ne'e inepta, hanesan hateten iha tuir artigu 355° C.P.C;

1. Tribunál tenke indefere liminarmente petisaun:
 - a) Kuandu konsidera petisaun inepta;
 - b) Kuandu haree kedas katak tribunál sofre inkompeténsia absoluta, autór ka reu la iha personalidade ka kapasidade judisiária ka la iha lejitimidade;
 - c) Kuandu aksaun la tama iha prazu nia laran no tribunál bele koñese ofisiozamente kadusidade ne'e, ka kuandu, tanba motivu seluk, tribunál haree kedas katak autór nia pretensaun la bele prosede.
2. La bele iha indeferimentu parsial ba petisaun, salvu kuandu indeferimentu ne'e hasai tiha reu ruma.
3. Kuandu autór uza forma prosesuál ne'ebé la korresponde ho aksaun nia natureza, tribunál haruka tuir forma adekuada; maibé, kuandu aksaun ne'e la bele tuir forma ida-ne'e, tribunál tenke indefere petisaun.

Aperfesionamentu signifika katak tribunal haruka hadia rekezitu balun ne'ebé hateten iha petisaun inisial tuir entendimentu juiz nian katak lalo'os no persiza atu hadia no iha prazu nia laran parte ne'e tenke hatama hikas nia petisaun ne'ebé juíz manda atu hadia, hanesan hateten iha artigo 355° n° 3 husi C.P.C.

Husi despaxu hira ne'e maka tribunal iha nia kompetensia oinsá atu rona parte sira, wainhira manda sita parte sira

hato'o hotu ona sira nia opozisaun iha prazu sira nia laran. Maibe tribunal la iha obrigatória atur tenke rona parte sira por oralmente mas, apenas por eskritu maka hanesan husi opozisaun sira ne'ebé sira hato'o ona, wainhira iha nesesáriu tribunal notifika parte sira hodi presta deklarasaun iha julgamentu, maibe ida ne'e normalmente akontese de'it iha tribunal instánsia sira. Iha tribunal rekursu so konfirma autus rekursu sira husi tribunal instánsia sira no rekursu administrativu sira ne'ebé hatama husi mandatáriu parte sira nian.

3.3. Kompetensia Juíz Relator Haré Estrutura Petisaun Inisial.

Juíz relator iha nia kompetensia atu haré estrutura no asaun ne-ebé husi petisaun inisial sira ne'ebé tama iha tribunal, hanesan hateten iha artigo 793° C.P.C, Iha aksaun ba interdisaun no abilitasaun, iha petisaun inisial autór tenke dedúz nia lejitimidade, alega faktu ne'ebé serv hanesan fundamentu no hatudu interditandu ka inabilitandu nia inkapasidade too iha ne'ebé, no hatudu ema ne'ebé, tuir kritériu legál, tenke tama iha konsellu familiár no tenke ezerse tutela ka kuratela.

A molok fo despaxu ba sitasaun nian turi artigu 359° n° 1 e 2 C.P.C;

1. Kuandu la iha motivu ba indeferimentu liminár no petisaun iha rekizitu hotu ba tribunál atu simu, juíz haruka sita reu atu kontesta, ho avizu, iha sitasaun ne'e, katak, la iha kontestasaun karik, juíz sei konsidera katak reu konfesa faktu sira-ne'ebé autór artikula.

2. Tenke halo sitasaun molok halo distribuisaun kuandu reu rekér, sitasaun ne'e la tenke halo ho editál ka iha tribunál seluk nia área no juíz, haree tuir motivu ne'ebé autór invoka, konsidera katak iha justifikasaun atu halo uluk sitasaun.

Juíz relator mos tenke hare rekezitus petisaun nian hanesan hatur iha artigu 349° n° 1 al a to'o f no número 2 C,P.C;

1. Iha petisaun, ne'ebé uza hodi hatama aksaun iha tribunál, autór tenke:

- a) Hatudu tribunál iha ne'ebé nia hatama aksaun, identifika parte sira, ho sira nia naran, domisíliu ka sede no, bele karik, profisaun no servisu-fatin;
- b) Hatudu nia mandatáriu judisiál nia domisíliu profisionál;
- c) Hatudu prosesu nia forma;
- d) Espoin faktu no direitu ne'ebé fundamenta aksaun ne'e;
- e) Formula pedidu;
- f) Deklara aksaun nia valór.

2. Iha petisaun nia finál autór bele prezenta kedas testemuña, iha lista, no rekér prova seluk tan..

3.4 Sentensa Tribunal Rekursu

3.4.1 Sentensa Juíz Relator Presidente Tribunal Rekursu ba Impasse Polítika

Autores prezenta ona, tuir artigu ne'e nia dispozisaun. 150. e) hosi Konstituisaun Repúblika, asaun atu halo fiskalizasaun ba konstitusionalidade iha Parlamentu Nasionál nia Rejimentu, husu atu deklara latuir Lei-Inan:

a) hosi artigu 15o, no 2, no hosi artigu 1 too 4, tanba viola rezerva Konstituisaun,

b) hosi artigu 15 no 4, artigu 16-B, no 2., tanba nia violasaun prinsipiu

ba proibisaun konstitusional hosi mandatu imperativu

c) hosi artigu 15, no 2., no hosi número 1 to'o 4 hosi artigu 16-B tanba violasaun hosi direitu fundamental sira partisipasaun nian iha diresaun hosi asuntu públiku sira no direitu ba

partisipasaun polítika sira no artigu 24 nia número I. no no.3 hosi artigu 99 hosi Konstituisaun;

d) hosi n. 2 artigu 15o no 4 artigu 16'-B nian tanba viola artigu 95, n. 4, nia dispozisaun ka, la entende karik, tanba

viola alinea j) no k) no 2 hosi artigu 95 hosi Konstituisaun Repúblika:

e) hosi artigu 16-B, iha Parlamentu Nasionál, violasaun ba artigu 1 l'e, no 2, nia dispozisaun no iha artigu 84. al) hosi artigu 90o, no 2, no 150." Konstituisaun nian;

f) hosi artigu 15°e 16-B iha Rejimentu Parlamentu Nasionál, tanba violasaun iha lartigu 1. no artigu 100o Konstituisaun nian."

Deputadu sira ne'ebé rekerente, fundamenta nia entendimentu hodi hatete, ne'ebé dehan:

Konstituisaun la determina, oinsá nia halo bainhira iha intensaun atu halo parte hosi elementu ne'e iha rejimi hosi prezidénsia Parlamentu nian, ne'ebé iha kompeténsia ba Parlamentu hodi hatún nia Prezidente no membru sira hosi Meza, bele haruka ba Rejimentu hodi regula aspetu sira kona-ba prosesu parlamentar ne'e.

Ninia natureza hanesan órgaun konstitusional no importánsia ba funsaun inerente eziji atu mandatu ezerse tenki liuhosi garantia estabilidade ne'ebé permite asegura ezersiu kompeténsia konstitusional, prevé katak ida ne'e koinside ho durasaun lejislatura nian Iha kadru juridiku timoroan nian, Konstituisaun la hatún Prezidente Parlamentu, hanesan halo espresamente kona-ba órgaun sira seluk, saida maka fundamentu barak hodi hadook absolutu.

Sesasaun ba mandatu, ne'ebé presiza hodi halo parte iha estatutu hosi órgaun Prezidente Parlamentu nian, konsidera fali nia estatutu hanesan órgaun konstitusional, la hanesan ho nia regulasaun mera iha Rejimentu hosi Parlamentu Nasionál, bele hala'o de'it liuhosi lei. (...) bainhira entende, eleisaun no destituisaun hosi órgaun Prezidente Parlamentu nian tenki halo de'it ba autorregulasaun hosi Deputadu sira, nune'e halo absurdu fulan-fulan bainhira bele hili no hatún Prezidente Parlamentu nian.

Iha kadru ne'e, liberdade hosi Parlamentu Nasional hodi elabora no aprova nia Rejimentu labele hanesan liberdade hodi regular matéria sira ne'ebé Konstituisaun lakohi kalkula no mós kona-ba dalan sira ne'ebé Konstituisaun la fó mandatu ida regulasaun nian liuhosi Rejimentu maibé, bainhira barak, liuhosi lei.

Tanba Konstituisaun la hatete kona-ba kazu sira ne'ebé maka bele hatún Prezidente Parlamentu Nasional, demisaun labele halo.

Maski nune'e la entende, demisaun hanesan dementu importante hosi estatutu hosi órgaun konstitusional Prezidente Parlamentu Nasional nian ne'ebé bele regula de'it hosi lei no la'ós liuhosi Rejimentu hosi Parlamentu Nasional nian.

Kuandu mandatu imperativu la previstu iha CRDTL, tuir prinsipiu Estadu Direitu demokrátiku nian, Prezidente Parlamentu labele destitui hosi «koléjiu ka assembleia ne'ebé hili nia, ho baze iha deliberasaun ne'ebé diskrisionáriu hosi nia membru sira. «Nema sira ne'ebé iha parte final n nian. 2 artigu 15 nian. no iha número 1, 2, 3 no 4 hosi artigu 16-B. mimeru 1, 2, 3 no 4 hosi Rejimentu Parlamentu Nasionál, konsubstansia limitasaun ilejitima ida ba direitu fundamentál sira hodi partisipa iha diresaun ba asuntu públiku no partisipasaun politika.

Tanba destituisaun Prezidente Parlamentu Nasionál konsubstansia restrisaun ida kona-ba direitu atu partisipa iha diresaun asuntu públiku sira nian no ba direitu partisipasaun politika nian, ne'ebé la prevee iha Konstituisaun, norma sira iha parte finál artigu 15.1 nian, ne'ebé habadak demisaun, no artigu 16.- B, número 1, 2, 3 no 4. hosi Rejimentu Parlamentu Nasional viola dispozisaun sira ne'ebé hatete iha artigu 24 no 1. husi CRDTL, tanba ne'e, inkonstitusional.

Tanba laiha justifikasaun adekua no forte suficiente hodi, liuhosi destituisaun Prezidente Parlamentu Nasional nian, fó direitu hodi partisipa iha diresaun hosi asuntu públiku sira no direitu ba partisipasaun polítika nian, norma sira

ne'ebé hakerek iha parte ikus hosi artigu 15 nia número daruak. ne'ebé hodi hatún, no iha artigu 16.-B, número 1, 2, 3 no 4, hosi Rejimentu Parlamentu Nasional nian, viola prinsipiu hosi Estadu Direitu nian no prinsipiu ba dignidade ema moris nian. konsagra iha artigu 1. n. 1 husi CRDTL, tanba ne'e, inkonstitusional.

Redasaun ba norma, bainhira la estabelese prosesu destituisaun norteadu ba garantia, la konsidera natureza órgaun Prezidente Parlamentu Nasionál nian, nune'e viola prinsipiu legalidade fundamentasaun, defeza no Estadu Direitu Demokrátiku.

Hatete katak rekerimentu ida tenki iha fundamentasaun di'ak maibé la hatete katak asaun ka kauza sira bele serve hanesan fundamentasaun, hanesan hamenus eziyénsia sira hosi fundamentasaun nian ba pontu ne'ebé ikusmai lakon.

Admiti katak, buat ne'ebé la konsede, Rejimentu bele regulár destituisaun Prezidente Parlamentu nian, tenke prevé, ho serteza no klareza, kauza ne'ebé bele determina no enkuadra fundamentasaun ba destituisaun ne'e.

Destituisaun hosi kargu Prezidente nian la hamosu lakon mandatu parlamentár, prosesu tenki jere hosi eziyénsia hanesan ne'ebé mai hosi hosi prinsipiu bazilár sira defeza no audiénsia nian

Bainhira Parlamentu labele sobu durante deklarasaun estadu emerjénsia nian, ho razaun maioria labele permiti atu órgaun Prezidente Parlamentu nian, órgaun konstitusional no responsável máximu ba nia diresaun, bele hasai.

La bele konsede, ne'ebé bele interpreta Konstituisaun ho sentidu atu permiti Rejimentu prevee destituisaun Prezidente Parlamentu nian, la'ós & admisivel interpreta Konstituisaun ho sentidu katak demisaun ne'e bele desprovida hosi limite no bele hala'o ho livre, sein kualkér kuidadu, durante vijénsia estadu emerjénsia.

Parlamentu Nasionál hato'o ona ninia resposta ne'ebé sustenta katak:

Destituisaun hosi Prezidente parlamentu ida nian hanesan kestaun ida konfiansa polítika nian no la'ós kastigu nian. Prinsipiu orientador, regra jeral, maka nia bele hatún baibain bainhira husik konfiansa hosi parlamentu ne'ebé nia diriji. kombine ho Prezidente sira ne'ebé la bele hatún, grau eskrukiu nian ki'ik tebes iha kontrapozisaun, bainhira fásil liu hatún Prezidente sira, sira sei hakarak hatene kona-ba sira nia dezempeñu.

hala'o la'ós hanesan durasaun hosi mandatu naruk no imposibilidade hosi demisaun ne'ebé konstitui garantia hosi estabilidade hosi órgaun. Ho mandatu badak ka ho destituisaun titular hosi órgaun Prezidente Parlamentu Nasionál nian, órgaun ne'e nunca vagu, tanba tenki prenxe duni, laiha buat ida maka afeta kapasidade hosi órgaun hodi kaer nia kompeténsia konstitusional sira.

Diferensa relasionadu ho demisaun hosi Prezidente Parlamentu Nasionál nian iha ne'ebé iha kazu sira ne'e órgaun ne'ebé halo demisaun, demisaun, demisaun no ami hatutan katak anulasaun hosi Parlamentu Nasionál, órgaun soberania seluk ida, kbiit seluk tanba iha trangresaun ida ba prinsipiu hodi haketak no independénsia kbiit sira nian, bele halo de'it ho baze hosi norma konstitusional.

La'os tan akontes iha kazu destituisaun Prezidente Parlamentu Nasionál nian, tanba iha kazu ne'e laiha intervensaun hosi órgaun estrañu ida ba Parlamentu Nasionál poder hodi hatún rezerva ba sé maka iha kbiit no lejitimidade hodi hili, ne'ebé hanesan Parlamentu Nasionál. Tanba la iha mediasaun, sei la afeta prinsípiu representativu tanba laiha intervensaun hosi órgaun soberania ruma, kbiit seluk, sei la hamosu dúvida ba prinsípiu hosi separasaun kbiit sira nian.

Nune'e, labele konfundi ho respeitu tomak, mandatu hosi deputadu ho mandatu hosi Prezidente Parlamentu Nasionál nian. Mandatu hosi Prezidente Parlamentu

Nasionál la fó hosi votu popular, maibé hosi vontade parlamentar. Vontade hanesan ne'ebé efetiva demisaun.

Destituisaun, iha kazu sira hotu, hanesan instrumentu polítiku hodi kontrola no presta konta detentór sira-nia kargu polítiku, la taka juizu valór kona-ba karáter, konduta étika ka morál ema ne'ebé iha kestaun, maibé juizu ida de'it kona-ba dezempeñu kargu ne'e nian. Iha kazu konkretu hosi Prezidente Parlamentu Nasionál nian, envolve de'it juís ida ne'ebé merese konfiansa polítika hosi nia pár sira.

Destituisaun, iha kazu sira hotu, hanesan instrumentu polítiku hodi kontrola no presta konta detentór sira-nia kargu polítiku, la taka juizu valór kona-ba karáter, konduta étika ka morál ema ne'ebé iha kestaun, maibé juizu ida de'it kona-ba dezempeñu kargu ne'e nian. Iha kazu konkretu hosi Prezidente Parlamentu Nasionál nian, envolve de'it juís ida ne'ebé merese konfiansa polítika hosi nia parestu prosesu demisaun nian la'ós hanesan julgamentu ida tanba violasaun ba norma ruma ka asaun ne'ebé halo. Juís politiku ida kona-bá konfiansa hosi Parlamentu Nasionál iha nia Prezidente. Nune'e, demisaun la'ós hanesan kastigu ida ne'ebé aplika hosi asaun ida ladún conforme ho hahalok ne'ebé halo antes iha lei ka rejimentu.

1.2.3.5.1 Sentensa Indeferimentu Huis Juíz Koleтиву Tribunal Rekursu ba Impasse Polítika.

Sentensa indeferimentu husi juíz koleтиву tribunal rekursu nian maka hare husi keztus petisaun inisial husi parte sira nian ne'ebé deduz mai iha tribunal rekursu hanesan ho artikulasaun sira ne'ebé sira iha, husi ne'eba maka tribunal rekursu husi nia kompetensia hodi konfirma keztus husi petisaun inisial nain hodi deside indeferimentu ba iha petisaun ne'ebé apresenta husi deputadu sira maka ba iha la inkonstitusionalidade ba artigu 15º nº 16º-B husi regimentu parlamentu nasionál nian ba iha Mandatu no Destituisaun.

Iha sentru hosi pedidu fiskalizaun konstitusionalidade ne'e iha possibilidade hodi hatún Prezidente Parlamentu Nasionál nian, ne'ebé konsagra iha artigu 15 no 16.-B hosi Rejimentu Parlamentu Nasionál nian.

Deputadu sira ne'ebé husu konsidera katak possibilidade ne'e la hanesan ho Konstituisaun Repúblika ne'ebé sira identifika.

Loos duni katak art nia dispozisaun. 153.o hosi Konstituisaun Repúblika mosu katak desizaun konstitusionalidade ida la impede atu, iha momentu posteriór, prosesu foun sira fiskalizaun nian (abstrata ka konkritu) sei hahú hasoru norma ne'ebé konsidera tuir Konstituisaun.

Maibé, ita labele haluha hanoin katak iha Proc. 07/CONST/17/TR Tribunal Rekursu ne'e fó ona desizaun iha loron 5 Janeiru 2018 ne'ebé desidi ona katak la deklara [ne'e] inkonstitusionalidade hosi norma ne'ebé previstu iha art. 15 no 2 hosi Rejimentu Parlamentu Nasionál n° 1/2016 loron 11 fulan Maiu (Alterasaun Rejimentu Rejimentu 'Parlamentu Nasionál). Iha prosesu ne'e iha kauza (in)konstitusionalidade ba destituisaun Prezidente Parlamentu Nasionál durante períodu fulan neen ne'ebé n.o 1 refere halo arte. 100.

Ho forma resumida, bele hatete katak iha mandatu imperativu ema ne'ebé eleitu tenki observa instrusaun sira ne'ebé maka fó ba nia hosi sé maka vota ona ka sira ne'ebé kompromete ona, iha nia eleitor sira, hafoin ne'e hakotu kargu, tanba atusaun hosi eleitu hetan limitasaun no submete ba orden sira no instrusaun hosi nia eleitor sira ne'ebé hamutuk.

Ne'e labele akontese ho Prezidente Parlamentu Nasionál nian. Saida maka akontese, hanesan nia hatete tiha ona, katak Prezidente Parlamentu Nasionál hala'o knaar sira hanesan ne'e bainhira deputadu sira mantén nia konfiansa polítika iha nia laran.

Bainhira hotu konfiansa polítika hosi deputadu sira iha Prezidente Parlamentu Nasionál nian, sira bele hamosu konfiansa.

Eleisaun no destituisaun Prezidente Parlamentu Nasionál nian, hanesan ho ne'ebé hanesan ho votu sira konfiansa nian no sensura ne'ebé previstu iha art's 110.º no 111, iha natureza polítika ida ne'ebé espesialmente; sira halo tuir de'it kritériu polítiku sira. Destituisaun Prezidente Parlamentu Nasionál nian la la'o, husi prátika infrasaun ba norma ruma, liu-liu hatama iha direitu sansionatoriu, lapresiza kauza justa ida ka rekoñesimentu ba ometimentu ilisitu ka infrasaun iha tipu naran ida.

Se karik Prezidente Parlamentu Nasionál komete krime ida hodi ezerse nia funsaun ka viola ho forma klaru no grave nia obrigasaun konstitusionál no kuandu deputadu sira destitui nia, demisaun ne'e, maski nune'e, bazeia iha lakon konfiansa polítika ne'ebé rezulta hosi persesaun ne'ebé sira iha ba realidade ne'e, la bazeia ba infrasaun rasik ba direitu penál ka ba Konstituisaun.

Iha eleisaun no ba destituisaun Prezidente Parlamentu Nasionál ami tama ba iha kampo polítika nian, ne'e hanesan atu polítika. Destituisaun hanesan rezultadu hosi avaliasaun polítika ida; la'ós hanesan juís ida kulpa nian.

Hanesan Parlamentu Nasionál refere iha nia resposta, destituisaun hosi Prezidente hosi parlamentu ida hanesan kestaun ida hosi konfiansa polítika no la'ós punisaun () nian la'ós julgamentu ida tanba violasaun ba norma ruma ka asaun polítika ida kona-ba konfiansa hosi Parlamentu Nasionál iha nia Prezidente, tanba, la'ós hanesan kastigu ida ne'ebé aplika ba asaun ida la hanesan ho asaun ida ne'ebé aplika antes iha lei ka rejimentu.

Tanba ne'e, la presiza tipifika kauza suscetivel hodi determina destituisaun, la presiza iha rekursu deliberaun destituisaun ba tribunál la presiza konsagra direitu defeza no audisaun molok votasaun no hanesan justifikasaun barak, ba efeitu sira iha no 2 art. 16.- B hosi Rejimentu Parlamentu Nasionál, alegasaun ba falta konfiansa polítika.

Ita la bele haluha katak Prezidente Parlamentu Nasional bainhira hatun kargu ne'e la lakon mandatu deputadu nian, iha senáriu ne'e nia lakon de'it konfiansa hosi deputadu sira hodi hala'o knaar sira ne'e, laiha verifikasaun ba violasaun sira hosi Konstituisaun Repúblika nian ne'ebé hatudu iha art.'s 58. ho 103." hosi petisaun inisiál.

Deputadu sira ne'ebé husu tama iha artigu 15 nia parte ikus no número 1, 2, 3 no 4 hosi artigu 16'-B hosi Rejimentu Parlamentu Nasional nian, limitasaun ilejitimu ida hosi direitu fundamental sira hodi partisipa iha dresaun hosi asuntu públiku sira no partisipasaun polítika nian no konsidera mós katak sira viola prinsipiu hosi Estadu Direitu nian no prinsipiu hosi dignidade ema moris nian ne'ebé konsagra iha artigu 1. n°1, husi CRDTL .To'o iha ne'e, konklui katak art.'s 15.o n. 2 no 16.número 1, 2, 3 no 4 Rejimentu Parlamentu Nasionál nian la sofre kualkér realidade inkonstitusionalidade ne'ebé hatudu ba nia hosi Deputadu rekerente sira.

Tuir kazu ne'e, hamutuk ho Juizes ne'ebé konstitui Koletivu Tribunál Rekursu nian konkorda atu la deklar inkonstitusionalidade norma sira art.'s 15.o n.o 2 no 16° , número 1, 2, 3 no 4 Rejimentu Parlamentu Nasionál nian.

4. KONKLUZAUN

Husi diskrisaun ne'ebé hakerek nain hato'o iha prosesu monografia ida ne'e maka, hakerek nain sei foti nia konkluzau ba diskrisaun husi kapitulu ne'e maka hanesan tuir mai ne'e :

1. Tribunal Rekursu hanesan oragaun independente ida ne'ebé foti nia desizaun bazeia ba faktus no artigu ho lei no ordem sira ne'ebé vigor iha Estado RDTL nia laran.
2. Sidadaun, orgaun no entidade hotu-hotu iha direitu ba asesu dalan justisa nian no hakarak hetan desizaun ne'ebé justu ba nia aan.

BIBLIOGRAFIA

I. LIVRU SIRA

Ahmad Fathoni Ramli,Administrasi Peradilan Agama Pola bindalmin dan Hukum Acara Peradilan Agama dalam Praktek.(Bandung:Mandar Maju. 2013). hlm.2

Ahmad Fathoni Ramli,Administrasi Peradilan Agama Pola bindalmin dan Hukum Acara Peradilan Agama dalam Praktek, Bandung:Mandar Maju.

2013.¹Peter Mahmud Marzuki. Penelitian Hukum. Jakarta: Kencana Prenada Group, 2007.

Ateng Syafrudin, Governu no Governasaun, PT Citra aditiya Bakti, 1⁰ Edição 1996.

Bambang Widjojanto, Kekuasaan Kehakiman yang Independen dan Akuntabel Pilar Penting Negara Hukum Demokratis, dalam buku Rimdan, Kekuasaan Kehakiman

Cik Hasan Bisri, Peradilan Agama di Indonesia, Rajawali Pers, Jakarta, 1996

F. A. Mrotin no J. G. Steenbeek, sita ecological Modeling 360, 2017.

H. D. Stoud, jurnal *Constituição*, Vol IV. Nu.1, Junhu 2011.

K Wantjik Saleh, *Kehakiman dan Keadilan*, Ghalia Indonesia, Jakarta, 1977.

Lexy J. Moleong, *Metodologi Penulisan Kualitatif*, (Bandung: PT Remaja Rosdakarya, 2006).

Miriam Budiardjo, *Dasar-Dasar Ilmu Politik*, Gramedia Pustaka Utama, Jakarta, 1998, hlm. 35-36. 22, Suwoto Mulyosudarmo, *Kekuasaan dan Tanggung Jawab Presiden Republik Indonesia*, Suatu Penelitian Segi-Segi Teoritik dan Yuridis Pertanggungjawaban Kekuasaan, Universitas Airlangga, Jakarta, 1990, hlm. 30. 23A. Gunawan Setiardja

Miriam Budiardjo, *Dasar-Dasar Ilmu Politik*, Gramedia Pustaka Utama Jakarta, 1998.

Mochtar Kusumahatmaja, *Konsep-Konsep Hukum dalam Pembangunan*, dalam buku *Rimdan, Kekuasaan Kehakiman*.

Notohamidjojo, O., *Makna Negara Hukum Bagi Pembaharuan Negara dan*

Wibawa Hukum Bagi Pembaharuan Masyarakat Di Indonesia, Badan Penerbit Kristen, Jakarta, 1970.

Oyo Sunaryo Mukhlas, *Perkembangan Peradilan Islam dari Kahin di Jazirah Arab ke Peradilan Agama di Indonesia*, Ghalia Indonesia, Bogor, 2011.

Padmo Wahjono, *Pembangunan Hukum di Indonesia*, Ind-Hill Co, Jakarta, 1989

Philippus Mandiri Hadjon, 2006, *Direitu Administração Estada*, P.T.Grafindo. Jakarta.

Suharsimi Arikunto, *Prosedur Penelitian Suatu Praktek*. Jakarta: Rineka Cipta, 1998.

Tim Redaksi Kamus Bahasa Indonesia, *Kamus Bahasa Indonesia*, Jakarta: Pusat Bahasa, 2008.

Zainuddin Ali, *Metode Penelitian Hukum*, Jakarta: Sinar Grafika, 2010

I. LEI NO REGULAMENTU

- 1) Regulamentu N° 2000/11, de 6 de Março
- 2) Lei N° 5/2021, de 2 de Dezembro

3) Regimento do Parlamento

Nascional

III. INTERNET

- 1) https://pt.wikipwdia.org/wiki/Separa%C3%A7%C3%A3o_de_Podereshttp://www.modelos-de-organiza%C3%A7%C3%A3o-judicial:o-sistema-portug%C3%AAs-realidade-e-perspectivas.com.
- 2) https://id.wikipedia.org/wiki/Mahkamah_Agung asesu iha loron 14 Jullu 2013 oras 7.46 Otl.
- 3) <http://www.modelos-de-organiza%C3%A7%C3%A3o-judicial:o-sistema-portug%C3%AAs-realidade-e-perspectivas.com>.